



**Rvperti Ab||batis Monasterii || Tvtiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

De eiusdem domus dedicatione, id est resurrectione, secundum psalmum
uicesimumnonum, cuius est titulus psalmus Dauid cantici in dedicatione
domus Dauid.

[urn:nbn:de:hbz:466:1-71860](https://nbn-resolving.de/urn:nbn:de:hbz:466:1-71860)

Deo, emundauit conscientiam nostram ab operibus mortuis, ad seruendum deo uiuenti. ¶ Adde, quod ibidem Baptista Iohannes, ubi testimonium perhibuit dicens: quia uidi Iohannem spiritum sanctum descendenter de celo quasi columbam & mansit super eum: tali uoce, talique iudicio mansuetudinem eius praedicauit: Ecce agnus dei, qui tollit peccata mundi. Denique in sacrificio domini, sacrificio odoris suauissimi, eadem mansuetudo agni, quam sum plicitas columbae, mystice significat innocentiam & pietatem Christi filii dei.

Be die illo quem determinauit spiritus sanctus in David, dicendo:

Caput XI.

Hodie si uocem eius audieritis.



X tunc dies ille est bona auditionis, dies uocis audiendi in lenitate fidei, quem spiritus sanctus determinauit in David, et populus modo meminit. Quapropter sicut dicit spiritus sanctus: Hodie si uocem eius audieritis, nolite obdurare corda uestra, sicut in exacerbatione secundum diem tentationis in deserto.

Psalm. 94.
Vox chriſti ul
cis, uox turtu
ris Luc. 4

¶ O uox dulcis & suauis uox dilectionis & gratiae, uox turturis & columbae, quam apud Lucam, taliter cepimus audire. Regressus in uirtute spiritus in Galileam, cum uenisset Nazareth, & intrasset in synagogam, & traditus esset sibi liber Prophetae Esaiæ, locumque hunc statim inuenisset: spiritus domini super me, propter quod unxit me, euangelizare pauperibus misit me, praedicare captiuis remissionem, praedicare annum dominici acepit, & diem retributionis. Hodie (inquit) impleta est haec scriptura in auribus uestris. Ab ista uoce debent corda nostra hodie mollescere siue mitescere: hodie inquam, id est, alio die, qui alias est ab illo die, quo exiuit Israhel de Aegypto per mare rubrum, & per quadraginta annos tentauerunt, atque exacerbaverunt spiritum sanctum in deserto. ¶ Nunquid non hoc uidit Iohannes Baptista, qui in initio diei huius uides ad se Iesum uenientem, dixit (ut supra meminimus) Ecce agnus dei! Denique talis eius dictio talem nobis sensum efficit. Ecce cuius in figura immolatus est agnus in Aegypto, sumpto sanguine qui erat in limine & posito in superliminari & super utrumque postem, ut figuram crucis exprimeret, factumque est phase, id est, transitus: transiuit enim dominus per Aegyptum, Aegyptios percutiens, & filios Israhel saluans. ¶ Nunc alia percutietur Aegyptus, & aliud mare diuidetur, & aliud manna de celo dabitur, & alia petra fitientibus alias dabit aquas, & in aliam terram intrabitur, & alia civitas Hierusalem inhabebit, & omnia in nouum restituentur, dicente isto, qui spiritu sancto baptizat, ecce noua facio omnia. Igitur dies sancte nouitatis tunc illuxit. quā do desuper in columbae specie apparente spiritu pietatis, Pontifex declaratus est Christus filius dei: Pontifex (inquam) ipse, & hostia & templum, ex tunc optime ornatum (ut supra diximus) secundum figuram templi illius manufacti, auro uidelicet non corruptibili, sed auro uero splendidè diuinitatis, que tunc in eo splendere cepit per operationem uirtutum & gratiam sanitatum, ceteraque opera digitii dei spiritus sancti.

Esa. 51

Ecce agnus dei
Iohan. 1
Exo. 12

Ecce uox fa
cio omnia

Apo. 21

Be eiusdem domus dedicatione, id est, resurrectione secundum Psalmum vice summorum, cuius est titulus, Psalmus David cantici in dedicatio-

nne domini David.

Caput XII.

D dedicatione domus iuxta propositum properat animus, id est, ad gloriam resurrectionis domini nostri Iesu Christi, qua sine dubio dedicatum est templum corporis eius, ita ut omni mortalitatis seu passibilitatis paupertate detersa, solennitas æterna, festiuitas sempiterna, in uoce exultantia & confessionis in ea cœlebretur ab angelis, celebretur ab hominibus quotquot sunt uel erunt filii resurrectionis. ¶ Hoc loco sensum & uerba nostra dirigit textus Psalmi uicesimoni, cui talis praescrīptus est titulus. Psalmus cantici, in dedicatione domus David. Primum autem in fundamento sermonis illud ponere liber, quia domus illa manufacta, quæ intypum huius ædificata fuit (ut supra diximus) sub tria benedictione nominis domini dedicata est, sicut habet manifeste ipsa scriptura series. Primo namque sic scriptum est: Conuertitque rex faciem suam & benedixit omni ecclesiæ Israhel & ait: Benedictus dominus deus Israhel, qui locutus est in ore suo ad David patrem meum, & in manibus eius perfecit, & cetera. Item secundo: Testit autem Salomon ante altare, domini in conspectu Ecclesiæ Israhel, & expandit manus suas in celum, & ait: Dñe deus Israhel, non est similis tui deus in celo desup, & sup terram.

Dedicatio do
mus Christi i
resurrectione
eius celebra
ta est.

3. Reg. 8

K 3 deorsum,

CXIII. RUPER. ABBA. DE GLORIFI. TRINI.

deorsum, qui custodisti seruo tuo David patri meo quæ locutus es & cetera. Deinde ter
cio: Factum est, cum compleset Salomon omnem orationem stetit & benedixit omni Ec
clesiae Israhel uoce magna, dicens: Benedictus dominus qui dedit requiem populo suo Isra
hel, iuxta omnia quæ locutus est, & cetera. ¶ Itaq; sub trina (ut iam dictum est) invocatio
ne nominis domini, Ecclesiam sive domum domini dedicauit, non utiq; casu, sed magna
cū ratione sapientiæ quæ de° dederat illi; præsertim quia talis data fuerat regula benedicen
di. Sic enim scriptum est in libro numeri: Locutusq; est dominus ad Moysen dicens: Lo
quere ad Aaron & filios eius. Sic benedicetis filijs Israhel & dicetis eis: Benedic tibi do
minus & custodiat te. Ostendat dominus faciem suam tibi, & misereatur tui. Conuerterat do
minus suum ultum ad te, & det tibi pacem. Hoc dicimus pro glorificatione trinitatis, quia,
sicut hactenus demonstrare curauimus, fere nihil celebre sive memorabile referunt scriptu
ræ veritatis, absq; sacramento sancti huius nominis.

¶ Item in eodem Psalmo, de trina appellatione nominis domini: Exalta
bo te domine, domine clamaui ad te, domine eduxisti ab inferno ani
mam meam: & de titulo alterius psalmi, in finem canticum
psalmi resurrectionis.

Caput .XIII.

Psalmus. 29.
de resurrecti
one Christi



Vnc igitur perpende quod per pulchrum est, quia in isto Psalmo cantici canta
ti sive cantandi, secundum dedicationem domus David, id est, corporis Christi. Similiter trina præpollat appellatio eiusdem nominis domini. Primo namq; dicit: Exaltabo te domine, quoniam suscepisti me, nec delectasti inimicos meos
super me. Deinde secundo: Domine deus meus clamaui ad te, & sanasti me. Deinde ter
tio: Domine eduxisti ab inferno animam meam, saluasti me à descendentibus in lacu. Con
tinuo sequitur, concentus multitudinis sub admonitione huiuscmodi: Psallite dño sancti
eius, & confitemini memoriae sanctitatis eius. ¶ Sic in dedicatione domus illi manufactæ
post trinam adorationem nominis domini, à Salomone premissam, continuo sequitur ad
monitio ad multitudinem, & magnæ festiuitatis uniuersalis communicatio, prosequente
Salomone, sit quoq; cor nostrum perfectum cum domino deo nostro. Ex subsequente scri
ptura, igitur rex & omnis Israhel cum eo immolabant victimas coram domino. Generalis
quippe festiuitas est, festiuitas huiusc dedicationis, festiuitas resurrectionis. ¶ Vnde non
prætereundum, quia tū ulum psalmi præscripti (qui sic sese habet, psalmus cantici in dedi
catione David domus) titulus alterius psalmi, scilicet sexagesimi quinti, pene exponit, qui
eiusmodi est. In finem canticum psalmi resurrectionis. Tali præente titulo, iubilat omnis
terra deo, psalmum dicit nomini eius, dat gloriam laudi eius, & dicit inter cetera: Introibo
in domum tham in holocaustis, reddam tibi uota mea, quæ distinxerunt labia mea, holos
causta medullata, offeram tibi cum incenso arietum, offeram tibi boues cum hircis. ¶ Que
omnia mystice significant combustionem uictiorum, purificationem spiritus, omnimo
damq; intentionem ad destructionem totius repugnantie quasi arietum cornutorum, &
totius excellentiæ quasi boum cornupetarum, & totius fœditatris malorum operum, qua
si hircorum. Cum huiusmodi quippe holocaustis introitur in domum resurrectionis, in
domum quam sapientissimus Salomon, id est, CHRISTVS filius dei, per semer
ipsum ædificauit, id est, immortalitatem & impassibilitatem, quam habent iam cœlestes spi
ritus, in quibus plenissimæ habitat maiestas sanctæ Trinitatis, quo præcursor introiuit per
uiam, quam illi columba, id est, spiritus sanctus demonstrauit. Passus enim idem CHRIST
VS, & resurgens à mortuis festiuitatem sibi & nobis inchoauit huiusc dedicationis,
tanquam caput corpori, & hanc fidem tenere, atq; in hac spe per dilectionem operari, hoc
nimur est, legitimate cantare canticum Psalmi resurrectionis, iamq; stare cum cantico in
illa dedicatione domus David.

¶ Cur ab illa festiuitate dedicationis, id est, a gloria resurrectionis spi
ritus sanctus non in specie columbe, sed in specie ignis appa
ruerit, & de spiritu blasphemie quod peccatum nō re
mitteretur neq; in hoc seculo neque in fu
turo.

Caput .XIII.

Magna

3. Reg. 8.

Alius psalm⁹
de resurrecti
one Christi

Oblatio mys
tica